

vñ gotlike dinge smaken. **A**l vnse hynder is dat
 wy nicht leddich en sin van passien vñ begerlic
 heyden vñ nicht en pinen den wech der hülligen
 vullenkomelik in to gaen. **w**āner vns eyn klene
 vordreet edder wedderstot tho komet so werde
 wy lichtliken vorlagen vñ keren vns tho deme
 minsliken troste. **w**eret dat wy also starke mēne
 vromeliken in dem stride stande bleuen wy schol
 den van dem hemmele vp vns seen sunter twiuel
 de gotliken hulpe. **w**enteigod is bereyt to helpē
 den stridenden mīschē vñ de vppe sine gnade ho
 pen de vns de sake des strides gīft vppe dat wy
 vorwinnen mogen. **I**sset sake dat wy allene vn
 sen vortganck setten in vtwendige sece so schal
 vnse innicheyt to hant eynen ende hebben. **w**e
 sette wy dat biel an de wortelen so werde wy be
 sitten eyn vredeſam herte likerwys alse de gherei
 niget sin van eren passien. **I**s dat wy in al vnse
 leuende de sunde to male vordziuen so schole wy
 kortliken vullenkomen manne werden. **w**en nu
 vole wy dicke hir entegen so dat wy beter vnde
 inniger werē in dem beginne d bekerige dan na
 vele iaren vnser bekeringe. **v**nse vuricheyt vñ
 vortganck scholde dagelikes wassen. **w**en nu
 schynt dat gros dat iemant eyn deel der erste vu
 richeit mach beholden. **w**ert dat wy vns in dat
 begin der bekeringe klene geweldē wolden doen
 wy scholden dar na alle dynck doen mit lichte